

ZUTABE BAT DONAPALEUTIK ETA BESTEA BAIONATIK ABIATU DIRA, ETA HAZPARNEN ELKARTU

Presoen Euskal Herriratzearen eske, ibilaldia egin da Iparraldean

■ Ehunka lagun ibili ziren Ipar Euskal Herrian zehar presoan aldeko martxan

■ Euskal presoan Euskal Herriratzeara aldarrikatu zuen berriz ere Koordinaketak


■ Goizean Donapaleutik eta Baionatik abiatu zirenak Hazparnen elkartu ziren arratsaldean

Eneko Bidegain / Baiona

GOIZTIAR izan ziren atzo presoan aldeko ibilaldia abiatu zirenak. 9:00etako freskuran, jendea emeki hurbiltzen hasi zen Baionako Lauga gelaren aurrera. Galtza motzak, kirol jantziak eta oinetakoak edo berdin mendiko zapatak gero eta gehiago ziren. Lurrean bi pankarta, batean *Euskal presoak Euskal Herrira* mezua zegoen, eta bestean preso guztien argazkiak zekartzan kartela. Jendea nahiko tenorez iritsi, presoan aldeko kamisetak jantzi eta ibilaldia atzerapen ttipi batekin baizik ez zen abiatu, Baiona zaharreko karriketan.

Denbora berean beste batzuek Donapaleun zuten hitzordua. Alabainan, presoan aldeko sustengu komiteen koordinaketak bi zutabeko martxa antolatua zuen presoan hurbiltzearen eskatzeko. Baionatik abiatu zirenek Uztaritzen bazkaldu zuten. Ondotik Kanbora buruz abiatu ziren. Arratsaldeko 6:00etan Hazparnera iritsi ziren partaideak.


Denbora bertsuan heldu ziren Donapaleutik abiatu zirenak ere. Haiek, aldiz, Mehainen bazkaldu zuten, eta Donamartiritik Lekuinerako bidetik jarraitu zuten Hazparnera heltzeko. Giro ona izan zen nagusi egun osoan zehar. Goxoan eta kalakan abiatu baziren ere,



BOB EDME

Uztaritzen jende anitz bildu zen, kamisetak soinean, Hazparnera bidea egiteko.

arratsalderako gogo onez oihukatzen zuten *Euskal presoak Euskal Herrira*. Hazparnen ekitaldi politiko laburra egin zuten presoek urruntasunaren ondorioz jasaiten duten egoeraren salatatzeko eta urruntze hori lehenbailehen gelditua izan dadin eskatzeko. Halaber, aste honetan izan diren epaiketak eta las-ter izango direnak (bihar Eneko Borda epaitua izanen da Parisko auzitegian) gaitzetsi zituzten Koordinaketako ordezkariak. Ibilaldia afari batekin eta erromeriarekin amaitu zuten Hazparnen.



BOB EDME

Lau euskal preso kaleratuko dira 6 milioi pezetako fidantza ordainduta

■ Bi urte egin dituzte badaezpadako espetxealdian

Erredakzioa / Donostia

MADRILGO Entzutegi Nazionalak sei milioi peze-ta eskatu ditu lau euskal preso baldintzapeko askatasunean uztearen truke. Exabier Uriarte Amuriza, Ainhoa Gutierrez Santocuarto eta Pako Rodriguez Jaramilo atzo ziren irtetekoak, lehenak hiru milioi eta besteak bana ordainduta. Lurdes Zerrato Ozerain bihar irtengo da ziu-rrenik, bere sendiak milioi pezeta ordaindu ondoren.

Laurak 1997ko irailean atxilotu zituen Guardia Zibilak, Gaizka Gaztelumendi eta Jose Miguel Bustinza ETako kideak hil zituzten operazio polizialaren ondoren. 12 pertsona atxilotu zituzten; zortzi espetxeratu zituzten, eta lau askatu. Inkomunikatuta izan zituzten bitartean, torturatu egin zituztela salatu zuten zortzi atxilotuek, Entzutegi Nazionalako Baltasar Garzon epailearen aurrean deklaratu zutenean.

Amnistiaren Aldeko Batzordeek atzo jakitera eman zutenez, joan den urtean 600 milioi pezetaren fidantzak eskatu zituen Entzutegi Nazionalak euskal presoak askatzearen truke. Aurten, berriz, dagoeneko 124.700.000 pezeta ordaindu omen dira. «Errugabetasun printzipioa errespetatu ez eta txantaje ekonomiko pean jartzen ditu Entzutegi Nazionalak atxilotutako euskal herritarrak», salatu zuten Amnistiaren Aldeko Batzordeek atzo prentsa ohar batean.